



Universitätsbibliothek Paderborn

Nucleus Practici Tractatus, De Legibus

Marchius, Ewald

Coloniæ Agrippinæ, 1660 [erschienen] 1661

Cap. XIX. An Lex humana imponat homini necessitatem in foro conscientiæ, & quando obliget ad peccatum mortale? Item quando obliget cum mortis periculo?

urn:nbn:de:hbz:466:1-42256

C A P U T X I X .

An Lex humana imponat homini necessitatem in foro conscientiae? Et quando obliget ad peccatum mortale? Item quando obliget cum mortis periculo.

Leges Humanæ, si justæ sint., hábent vim obligandi in foro Conscientiæ, Ita S. Th: 1.2.q.96.art.4. & patet manifeste ex Scripturis sacris i. Petri cap.2. Subjecti estote omni Humanæ Creaturæ propter Deum, sive Regi tanquam præcellenti, sive Ducibus tanquam à Deo missis, &c.i.ad Thessal:cap.4. qui hæc spernit, scilicet Præcepta quæ Apostolus ordinabat, non hominem spernit sed Deum; quod conforme est verbis Christi, apud Lucam cap.10: qui vos spernit me spernit. Dubium autem non est, quin reatum culpæ, apud Deum incurrat, qui sic agit, ut Christum contemnere convincatur. Item ad Eph. 6. monet Apostolus, ut servi Dominis suis carnalibus, in simplicitate cordis sui, serviant tanquam Christo.

Probatur Ratjone, quia non omnia quæ ad vitam humanam recte instituendam spectant, tam secundum Religionem quam Politiam possunt commode definiri, per Legem Naturalem aut per Legem divinam, nam pro varietate temporum, locorum, &

I a

per-

196 *Nuclei Tractatus practici*
perlonarum, saepius convenit aliqua mutari,
aut aliqua esse diversa, in regimine populi &
Communitatis. Ex quibus omnibus constat,
non tantum Leges Ecclesiasticas, habere vim
obligandi in **Conscientia**, sed etiam Leges
civiles, nam plurimæ Scripturæ citatæ, indis-
ferenter loquuntur de omni superiori Pote-
state, quædam autem magis specialiter de
Potestate Ecclesiastica. Ita Wiggers hic arti-
culo 4.

Sed hic dubium movetur. Quando Leges
Humanæ, obligent ad peccatum mortale. Sup-
pono Leges humanas, si injustæ sint, non ob-
ligare ad peccatum ullum. nisi interdum ra-
tione scandali. Pro cuius intelligentia nota-
dum est, aliquando Legem esse injustam,
quia præcipit rem de se in honestam, & illici-
tam, & tunc quidem, neque opus esse, eam
tali casu servare.

Aliquando vero esse injustam, quia fertur
ab eo, qui non habet legitimam Potestatem,
vel quia non spectat ullo modo, ad bonum
commune, aut quia non servatur debita for-
ma cum alijs circumstantijs requisitis, Et
tunc, non esse quoq; necessario in conscienc-
ia servandam, nisi interdum Ratione scan-
dali, sive perturbationis Reipub. vel gravis
mali vitandi, sicuti jam diximus. His præmis-
sis

Dico

Dico i quando violatur Lex humana, sive civilis, sive Ecclesiastica, ex contemptu, tum committitur mortale peccatum; Hæc conclusio est communis & indubitata apud omnes; ubi hoc tamen observandum est, Legem tunc violari ex contemptu, quando quis eam transgreditur, non ex aliqua cupiditate vel timore, vel aliam ob particularem infirmitatem, vel causam, neque etiam hoc ipso, quo quis saepius eandem Legem prævaricatur: sed quando transgreditur, quia vilipendit, & spernit Legem, & Legislatoris Potestatem, & ut ostendat se spernere, facit contra Legem.

Petes, utrum erit peccatum mortale, ex contemptu transgredi Legē de materia levī?

Respond. dupliciter posse fieri, illam transgressionem ex contemptu, vel quia contemnitur simpliciter, & absolute Potestas Legislatoris, vel quia, res quæ præcipitur, tanquam parva & levis contemnitur. Priori modo, facere contra Legem, etiam de rebus parvis, est peccatum mortale, quia licet materia ipsius Legis, sit parva & levis, tamen objectum aetius transgradientis, est maximi momenti, & materia gravis, scilicet Auctoritas & Potestas Legislatoris. Posteriori autem modo, contra ejusmodi Legem facere, non videtur

I 3

esse

esse mortale, ut Doctores communiter sentiunt, quia non contemnitur. Potestas ferentis Legem, sed res praecepta, tanquam parvi ponderis, negligitur aut contemnitur, & quia res parva est, etiam contemptus censetur parvus, sive parvi momenti, quando ad Potestatem superioris, non transit.

Dico 2do. Quando Lex humana, est de re gravi, vel necessaria ad bonum commune, violatio ejus erit etiam peccatum mortale, quamvis ex contemptu non fiat, ita communiter Doctores, quod tamen sic oportet intelligere, si Legislatores, quantum possunt, intendant obligare ad ejusmodi Legum observationem. Quae intentio, ut cunque poterit colligi, ex verbis quibus Lex fertur, ut si continentur haec aut similia verba, in virtute Sanctae obedientiae, sub poena maledictionis, sub interminatione divini Judicii haec praeceperimus, mandamus, & prohibemus; aut his aequipollentia; tales enim sermones, judicant Legislatorem, pro tota sua Potestate, velle legem observari, unde si materia sit gravis, Leges sic latæ obligabunt ad peccatum mortale, quia & auctoritas est sufficiens, & sufficienter applicata, & ipsa res gravis est.

Quando autem Lex fertur, tantum hujusmodi sermonibus, nullus hoc vel illud faciet aut

aut hoc vel illud prætermittat, non videtur
tunc Legislator, pro tota sua Potestate, im-
ponere & proinde, neque Lex ad mortale
peccatum obligare, prout Doctores solent
hanc diversitatem, observare & constituere.
Quod tamen intellige, nisi alii unde contra-
rium constet, v. g. ex communi fidelium ap-
prehensione, & sensu, qui passim existimant,
ejusmodi Legem, sub mortali non obligare,
quamvis clarioribus verbis. esset expressa,
unde frequenter, ad communem sensum Po-
puli Christiani, in ejusmodi Legibus, est re-
currendum. Ita Wigg. hic art. 4..

Dico 3tio. quando Legis violatio cederet
in magnum detrimentum Reipub: oportebit
illam servare, etiam cum certo mortis per-
iculo. Ita Doctores communiter, v. g. Lex ne
miles deserat suam stationem, dum civitas
versatur in discrimine, est servanda etiam
cum periculo mortis. Et Ratio reddi potest,
quia quilibet privatus, cum sit pars cōmu-
nitatis, tenerur anteponere bonum communione
suo proprio, cum pars sit propter ipsum totū
Item quando violatio Legis cederet in con-
temptum Fidei, aut Potestatis Ecclesiasticæ,
tunc etiam cum vitæ discrimine, Lex est ob-
servanda; Ita quoque communiter Doctores
v. g. est aliquis captus ab hæreticis, & jubetur

comedere carnes die Veneris , in contemp-
tum Ecclesiasticæ Potestatis, potius debetr-
is, hoc casu, mortem subire, quam carnes co-
medere. Ratio est, quia tum talibus circum-
stantijs, carnes comedere, est servire ipsorum
intentioni, eamq; exequi, atque ita contem-
nere Potestatem Ecclesiæ.

Dico 4to. Præter hos duos casus , non vi-
dentur Humanæ Leges, cum periculo vita
obligare, Ita communiter Doctores contra
Cajet: & Adrian: quia divinæ Leges, saepius
non obligant , cum tanto discrimine & in-
commodo, ut patet in primis, in lege de ex-
plicandis omnibus peccatis mortalibus in
confessione, quando enim ex alicujus pecca-
ti declaratione, confitenti imminceret pericu-
lum mortis sive ab ipso Confessario, sive ab
alijs, quibus verisimiliter illud esset revelatu-
rus, non tenetur in confessione aperire, si
hunc Confessarium non habeat , sic quoque
1. Reg. 21. legitur David, comedisse panes pro-
positionis in necessitate , quos tamen juxta
divinum mandatum, edere non licebat , nisi
solis Sacerdotibus, ut patet Leviticor: 34. Sic
tamen Davidem non peccasse, testatur Chri-
stus, apud Matth cap. 12. Ita quoque Macha-
bæi, decreverunt mortis vitandæ gratia, pug-
nam inire die Sabbathi , quod alioquin non
licuisset.

De-

Denique, multæ humanæ Leges, non obligant etiam cum minori periculo, juxta cōmūnem sententiam, ut patet in lege jejunij, audiendi Sacrum, quæ non obligant cum periculo mortis, aut alicujus alterius gravioris incommodi. Fundamentum autem Conclusiōnis, assignari potest, quia non præsumitur fuisse voluntatem Legislatoris in talibus eventibus, quando periculum mortis, sic per accidens, ex occasione Legis servandæ instaret, tam stricte obligare, ita nimirum quod actui præcepto neque per se insit, neque etiam Potestatis Ecclesiæ, aut Religionis inducat contemptum, Imo etsi vellet Legislator, non videretur ista voluntas rationabilis, ac proinde non efficax ad obligandum, quia sic obligare ad actum præcepti (ut fieri semper debeat quacunque obveniente incommoditate, aut periculo etiam extra dictos casus) non est ordinarie & regulariter necessarium ad bonum commune, & salutem Reipub. non enim debet res præcipi cum tam difficulti circumstantia & humanæ infirmitati propter modum impossibili, nisi ex urgentissima boni publici necessitate, quia non habet Magistratus, sive civilis sive Ecclesiasticus, Dominium vitæ civium, sed convenientem usum, & ideo non videtur posse, ex communibus &

ordi-

I 5

202. *Nuclei Tractatus practici
ordinarijs causis, obligare ad profundendam
vitam. Ita Wigg. in 1. 2.q. 96.*

C A P U T XX.

*Utrum Lex pœnalis obliget in conscientia, ad id
prestandum, pro quo pœna imponitur*

Notandum est, Legem aliam dici pœna-
lem, quæ nimurum præcipit aut prohibet aliquid, nullâ expressis terminis pœnâ ap-
positâ, contra transgressores, ut est Decalo-
gus. Aliam vero dici pœnalem, eam videlicet
in qua disertis verbis pœna exprimitur. Et
hanc rursum subdividi, in pœnalem mixtam
& pure pœnalem. Mixta dicitur, quæ explici-
te præcipit vel prohibet aliquid & simul pœ-
nam apponit, ut est hæc de ligno scientia
boni & mali ne comederas, in quacunque die
autem comederas, morte morieris. Potest au-
tem hæc subdividi, in eam quæ aliquid præ-
cipit vel prohibet, & pœnam contra facientes
ponit, quasi copulative, v.g. nullus frumen-
tum, extra patriam avehat, qui avexerit huic
centum, quæ vocatur ab aliquibus copulati-
ve mixta. Et in eam, quæ ista ponit, disiuncti-
ve v.g. nullus avehat frumentum, vel pendat
ærario Reipub. tantum, vel tantum. Et potest
vocari disiunctive mixta. Pure pœnalis est,
quæ nihil præcipit aut prohibet, terminis ex-
pressis, sed facienti vel non facienti hoc vel
illud